

B. N. C.
FIRENZE
1056
3



Ref: 1056.3



XIV
VSS.



JOANNIS BRVSSELII
THEOLOGI BELGÆ
A D U N U M
E C E L S I S S I M I S
S. R. I M P E R I I
P R I N C I P I B U S
E P I S T O L A,
I N Q U A

Ecclesiæ Belgicæ Catholicæ status fidelibus, sincerisque coloribus adumbratus exponitur.



ELSISSIME PRINCEPS,

Non armis hodie magis colliditur, & strepitu bellorum continuo fervet Belgium, quam litibus & contentionibus Scholasticis. Verè Palladis arcem, sedemque nuncupes, non illius solum, quæ fuso gaudet hominum sanguine, & ferro rem cernit, urbiumque ruinis effertur, & agrorum populationibus; verum etiam illius, quæ vitam professa quietiorem, vultum præ se fert placabilem magis, & ad omnem humanitatem ac modestiam compositum; nonnumquam effervescebat tamen iracundiâ, & litteras adhibet armatas, stylumque non aliter ac gladium, vibrat inclementius. Polemica dici amat, id est Bellatrix.

A

Suz



Sux illi artes, insidiæ suæ, vulnera, cædes, claudes, non secus ac armata. Utriusque iras tanto jam tempore experimur Belgæ.

Præcipua è Galliâ calamitas. Uni illi tot exercitus in Patriæ nostræ miserrimæ viscera effusos, illatam agris vastitatem, atque urbibus solitudinem debemus: uni illi tot æquata solo oppida, tot direpta, tot fumantes, tot stratos cadaveribus campos: uni illi novas bellandi artes, machinas novas, atque omnia in hominum exitium, recentibus inventis, versa elementa. Atrocia, fateor, sunt hæc vulnera, & nulli non Belgarum, in quo vel Patriæ aliquis adhuc, vel Principis superest amor, amaris deploranda lacrymis: justissima querelarum materia, atque odiorum nationes inter non facile saturandorum causa. Tristiores tamen plagæ inflictæ sunt strepitu non tanto, & citrà sanguinem. Querelarum & lacrymarum causa præbita longe gravior, quæ Belgarum optimum quemque, & Celsitudinem tuam felicitatis nostræ studiosissimam merito præ alterâ, magis habet sollicitam. Quid enim habet pagorum, ruris, urbium vastatio, strages, ruina, Quid opum, fortunatum, libertatis, corporum, vitæ jactura tantopere deplorandum, si cum ruina animorum, & prisca Religionis strage, & cælestium bonorum jacturâ irreparabili, & (ne de rebus futuris agam) si cum turbatâ conscientiæ pace, mentisque amissâ securitate comparetur?

Theologos quosdam turbulentos, strenuos sophistas, dicaces, argutos, omnibus cavillandi instructos artibus, quibus certum est sæpe jam proscripserint hæreses, invitis hominibus superisque, propugnare, novas indies cudere, nec se nec alios quietos pati, sinu suo ejecit Gallia: vel quòd ferre diutius non posset, vel quòd indè imminens Ecclesiæ rebus, & domesticæ paci exitium, ut est cauta, prospiceret.

Gallia ejecit: nos excepimus. Latibula præbuimus, è quibus veluti nocturni Sinones, ingenti pestilentium librorum quotidie nascentium multitudine (sunt namque illis pro facibus libri) incendia spargerent, omnia miserent, mutuis odiis Belgas accenderent, secumque unâ raperent in ruinam. Tanti est inclarescere & nomen sibi parere vel sic. Tanti est audire

Vidtrix causa Diis placuit, sed viela Catoni,

Quod factionis hujus obstinatissimæ Principi Antonio Arnaldo Gallus quidam nuper Calvinista accinuit, simul partium ejus testatam orbi stragem non immodestè ponens ob oculos.

Fraus successit: fata discordiarum materia: raptæ in partes Academia: Clerus scissus: Multitudo vel animi pender, vel addicitur partibus, nullo iudicio, sed pro affectu. Galli classicum canunt: arma omnia subministrant Galli: semper capeſſunt primi pugnam (ut est bellicosa natio, & armis utriusque generis pugnax) quietos laceſſunt, & bonorum omnium, quotquot ſuperant, patientiam laſſant. Quâ præcunt, abripiuntur unâ velut torrentis impetuoſi fluctibus, Belgarum haud pauci, iique non ignobiles, more cæcorum, nullo conſilio, delectu nullo.

Satis eſt auctores habere Gallos. Quidquid dixerint, oraculum eſt Delphico certius. Quidquid ſtatuering, ſit novum, ſit inauditum; ſit obtritum; cum decretis Eccleſiæ univerſæ è diametro pugnet, adamante figitur. Juratur in verba: ſanguine ſancitur: tonet, fulminet, cælum ruat, ab his non abibitur.

Viſum eſt Gallis in Eccleſiæ Matris ſuæ annos inquirere, amiſſum vigorem priſtinum, rugas ævo diuturniore contractas, fatiſcentes ſenio vires exprobrare: viſum eſt & Belgis. Inconditis queſtibus & vociferationibus Galli cæperunt recoquendam more Medæ depoſcere, & reiſpâ recoquere, ſive ut mollius loquar, reformare: depoſcunt & Belgæ & recoquunt, ſive reformant, non aliâ quam Gallorum exulum auctoritate.

Frequentem fideles inter cibi Euchariſtici uſum è medio tollendum iudicarunt Galli, & ubicumque potuere piam conſuetudinem ſuſtulerunt. Secuti ſunt Belgæ, neque eorum tribuendum ſegnitiæ, ſi novo conatui ſuus non reſpondit ubivis locorum ſucceſſus, ſed priſcæ & ingeniæ populi pietati.

Sacramenti Pœnitentiæ adeo utilis, adeo ſalutaris, adeo neceſſarii ordinem invertere placuit Gallis: placuit & Belgis. Illi veniam cenſent lapſis in flagitium & crebrò & diu procraftinandam, ſive ut vulgò loquimur, differendam abſolutionem: cenſent & hi. Illi graves, duras, intolerabiles ſæpe multas, ſive ſatiſfactiones & opera pœnitentiæ præxigi volunt, ut animum pœnitentium explorent: præxigunt & illi. Frequenter etiam poſt omnia exacta tam hi repulſam addunt, quam illi.

Ad ſublevandum graviffimum vix ullis pœnis extorquendæ confeſſionis onus, adjectum & à Chriſto Servatore, & ab ipſa rei naturâ arcani ſacroſancti vinculum, ſive ut vocamus ſigillum, Gallis nimis arctum

arctum visum est, visum est & Belgis. Communi igitur consensu haud modicè relaxatum est. Hinc innox ad Episcopos Præsidesque Sacrorum variae delatae de Sacerdotibus arcani violatoribus seu (si sic vocare licet) sigillifragis populi querelæ.

Gallorum & exemplo & impulsu magnæ Virginis & Matris cultum obliquis dentibus admordere non sunt veriti; ejusdem imagines ac Sanctorum, eorundem reliquias viliori loco habere; publicis sensim supplicationibus, allatâ futili ex ipso Calvino causâ, excludere; hanc populi pietatem tantum non superstitionis postulare, certè ejus originem ex Paganismi reliquiis derivare, quas stirpitus evellere religionis nostræ primi propagatores haud potuerint: aliaque id genus memoratu horrenda, ausu impia atque sacrilega.

Iisdem impulsoribus Scapulare Carmeliticum, aut SS. Trinitatis ut appellant, Franciscanum Funiculum, Dominicanum Rosarium, Zonam Augustinianam, specioso nempe prætextu, ut ejusmodi rerum abusus, & temerè collocatam in iis vulgi fiduciam demerent, sic aggressi sunt, ut ne usum quidem videantur velle relinquere, suumque sic saturent, si tamen est saturabile, adversus religiosas familias odium. Pia sodalitia à majoribus religiosissimè instituta, & frequentata sanctissimè, quæ Confraternitates nominamus, eodem impetu destruere, iisdem cuniculis subvertere nequidquam tentarunt hætenus, tentarunt tamen haud ignaviter, neque hodièdum ab incepto minimè laudabili desistunt.

Iisdem Gallis auspiciis Sacrarum Indulgentiarum pretium minui caput, vis extenuari, Pontificum Romanorum liberalitas damnari, earum potissimum promerendarum tempore plebs à Sacris Tribunalibus repelli, veniæ de peccatis beneficio frustrari, à Sacra mensa arceri.

Quid? quod ne ipsis quidem piis Manibus parcitum. Peracta in eorum solatium sacrificia petulantibus ingeniis materiam præbuere ludibrii risusque scurrilis. Ausus quippe est non nemo dicacitate plusquam Erasmicâ, & ore infrunito pronuntiare, & obscenâ manu chartis illinere, plus ex iis solatii inter vivos in tricliniis derivari, quam mortuis accedere. At illæ, jussu Senatus Regii, expertæ sunt Vulcanum vindicem, dextramque carnificis.

Inter has quotidianas rixas, velitationes, tumultus, præcipuum est de Helena certamen, hoc est de causa Janсенiana. Eo omnes nervi inten-

tenduntur; eò omnis vertitur industria, eò omnes collimant vigiliæ. Cætera quamvis gravia, minimèque negligenda, ad differendos, distrahendosque veritatis vindices excogitata sunt, neque alio fortè sine tam studiosè continuantur. Annales scriberem, non Epistolam, simachinas omnes, quibus usi sùnt & utuntur hodie ad vindicandum carissimum nomen, prosequerer. Sanè his ultimis temporibus adeò strenuè & pertinaciter allaboratum est, ut nulla Belgii civitas, nullum oppidum aut vicus, ne pagus quidem proflus ab hac labe sit immunis.

Ubivis penè locorum habent è fœderatis suis aliquem, qui rumores serat sectæ faventes, qui calumniis Religiosas familias hæresi infectas oneret, qui viros, qui mulieres conciliet, qui Latini Sermonis studiosos in Gymnasia novarum rerum studiosa compellat, qui pueros puellasque capret, qui libellos & venenatas chartas distribuat. Cleri pars non modica infecta est. Juniores Parochi plerique quidvis pati mallent, quàm Jansenio valedicere. E Religiosis familiis aliquam non nullæ contraxere fuliginem, optimis quibulvis acriter incassum reluctantibus. Hinc domestica & penè quotidiana easdem inter dissidia.

Quid agant interim Belgarum reliqui priscæ disciplinæ ac pietatis retinentes? Populares suos revocent in viam? Modestè moneant? A flagitiosis inceptis amicè dehortentur? Hiscere quis ausit? Os illi mox obturabit subita librorum, si fas ità loqui, procella, & repentinus scommatum, convitiarum, calumniarum turbo, non sine ingenti fragore concitatus. Quanta; quanta est conjuratorum Phalanx in unius interitum ruet, & omnia maledicentiæ suæ tela diriget. *Difficultatum* ingens moles exsurget, quas semper præstò habent Centimani illi, gladiatorio ludo à ténéris assueti, atque arenæ tandem, tanta est perviciacia, & pugnæ amor, immoritur.

Apud omnes mulierculas temeritatis suæ pœnas dabit, quas Gallici sermonis lenocinio, & quæsitæ, multo labore, multâ exercitatione, eloquentiâ captas, imparis certaminis arbitras legunt. Gynecæa omnia, & Parthenones pugilem inauditum (Gallicè enim scribere non didicit, aut si novit, tam sublimia mysteria profanis oculis committere, & vulgi judiciis prostituere cum Synesio existimat indignum) omnibus calculis damnant. Plebs it in suffragia: Gallicum siquidem sermonem Belgæ passim intelligunt: loquuntur Gallicè: pauci eò asurgunt, ut scribere potiùs noverint: plebe iudice cadit causâ, qui caulam coram plebe dixit nunquam, neque dicturus est.

Gallorum ausis temerariis incitatus fuit in Belgam Belgæ : Popularia in Popularem, in Collegam Collegæ, Doctorem in Doctorem, eo fecerit, quo civilia bella solent crudeliùs geri, quam extera, & terræ minari luëtuosius.

Expertus id non ita pridem Vir Eximius Martinus Stejartius. Sumpserat is sibi Sedis Apostolicæ auctoritatem tuendam adversus Gallos, Belgasque fœderatos aliquot, Gallicâ aurâ afflatus, & in omnem partem mobiles.

Jansenii commenta, fœdofque lapsus in Michaële Baio, Calvino, Luthero legitimis censuris castigatos, emendatosque, & recens conspirantibus Ecclesiæ Catholicæ suffragiis exulare iussos errores, ut par erat, & Catholicum Doctorem decebat, agnoverat scripto publico. Exemplo suo hortabatur Doctores aliquot non injuriâ suspectos ad labem hanc nominis sui, quâ jam diu notabantur, sine strepitu amolendam. Viam ostenderat, atque usicum iter ad pacem Orthodoxos inter stabiliendam, & Lovaniensi Academiæ pristinum decus vindicandum, quod Janseniana factio tam diuturnâ obstinatione multum apud externos, multum apud suos detriberat.

Immodicum multorum rigorem, & Rhadamanthæam severitatem, qui stultorum more, dum vitia vitant, & quidquid paulò laxius, mitiusve est, ceu morum pestem reformidant, protinus eunt in contraria, paulò benignior mollierat. Nihil justo nimis; ejusmodi quippe sunt ejus placita, ut Hispanis, Italis, Germanis, qui Gallis Ethicæ reformatoribus non adeò multum tribuunt, æquo fortè duriora, neque humanæ infirmitati satis tolerabilia videri possint.

Sana suggesserat Cameracensi Antistiti per epistolam consilia, non suo tantum, sed Brugenfis Episcopi & Decani Montensis nominæ, quibuscum in causâ delegatum egerat, quibus gliscentibus novitatibus obviam iret, & Montensia dissidia feliciter componeret.

Quid in his omnibus non laudabile? Quid non præmio potius quàm vituperatione dignum? Quid tamen ille horum omnium fecit aut tentavit impunè? Statim, ceu signo dato, conjuratorum manus Stejartium, velut alterum Penthea Bacchæ furore percitæ, raptum ivit in partes: aut si forte nimis tragica videbitur hæc comparatio; subito crabronum, vesparumque examen ingens uvatim insurrexit, & undique & undique ingrato strepitu & aculeis, & moribus nihil tale meritum pressit, atque confodit. Credetes profanasse Sacra omnia, atque

que ipsam Religionis arcem sacrilegè prodidisse Stejartium. Adco ætæ est cum illo immaniter.

Libros, libellos, chartas volaticas scurrilibus convitiis infames re-
tensere longum foret: longum auctorum nomina percurrere. Præci-
puos deligam.

Impotens animi Palladius quidam, ut se nominat, S. Augustini Discipulus (si famæ credimus & communi eruditorum judicio, Ægi-
dus Albanus, non semel Romano notatus stigmatè, Palladium se
dicens pro Ægidio, factâ ad Palladis Ægidem frigidâ allusione, in
Arnaldi Scholâ educatus, & formatus ad ejus genium, novo huic
Chironi Achilles haud inficiandus, vel si mavis, quod verius est,
Thersites) effrenato stylo, turgidis atque inconditis phrasibus, am-
pullatâ dictione, Asiaticâ loquentiâ Janlenium vindicare aggressus est;
obterere Stejartium, non argumentorum pondere, sed convitiis, &
scommatumque, & salibus perficere viro ingenio minimè dignis,
ne dicam Ecclesiastico, atque altaribus consecrato.

Quot plausibus excepta tam inficeta, tam insolens; tam procax
insultatio? Acclamatum undique Eugè, Bellè, σοφῶς: decreti
triumphi, destinata laurus, Festivis tot plausorum vocibus tumens,
elatusque certamen iterum, atque iterum repetiit Bebycum de gente
pugil, atque illi Amyco similis, quicum congressus est Pollux

Ἄγχιος ὤν, πρὸς πάντα παλίσκοτος, ἢ ὑπερέπτης,

Horridus, iracundus ad omnia, et alior hoste:

Δεινὸς ἰδεῖν, σκληρῶσι τετρασμένος ὑπὸ πυγμαῖς

Torvo oculo, duras contritus cestibus aures,

Humanitatis omnis immemor, & decori oblitus, & usitatae pro-
fanos quoque scriptores inter honestatis.

Stejartii Epistolam ad Cameracensem Præfulem sex continuò libris
(septimus, ut audio, sub prælo sudat) exagitavit quidam è Gallis
exulibus, politor Sophista, & fuscis omnibus instructus. Hui! tam
multis libris unam Epistolam, eamque pro negotii magnitudine non
prolixam! Obterendus est Stejartius: ità jurarunt factiosi. Omnibus
Epistolæ ejus apicibus infidiandum. Justè, caute, prudenter, optimè
dicta in pessimum sensum detorquenda. Nihil abeat impunè, ne quis
ejus exemplo cornua erigat, aut genuinum posthac è conjuratis cui-
piam insigat. Rhetoricæ vis omnis exhaurienda, ut nemo non victum
agnos-

agnoscat Stejartium : ut mulierculæ omnes digito notent , & nulli non è vulgo fabulam debeat , atque risum. Sic oberatur , sic juguletur , quicumque Lovanienſis Doctor Janſenii cineres quieſcere non ſinit : id eſt , Bullis paret Pontificiis , & peſſimæ cauſæ nuntium tempeſtivè remittit.

Adjectus auſtarii loco Latinus libellus nihilo minor , in quo Stejartii , ſi ſuperis placet , defectio (ita enim loquitur) ad Religioſorum doctrinam & ſenſa , ac ſi eſſet novus *παράβατης* , coloribus depingitur inuſtatis & Gallicum penicillum redolentibus.

Interim neque Huygenius neque Hennebellus ceſſant : Noctes & dies meditantur : materiam congerunt. Opſtratum conducit Huygenius Porcini nuper Gymaſii , cui jam à SS. Trinitate nomen fecere , non ignobilem Poëtaſtrum , repentinum è Poëtaſtro Theologum , alius diceret Theologaſtrum , qui ſtylum commodet. Galli cujuſdam operâ uti dicitur Hennebellus. Quod poſſunt igitur ; calcem & cæmenta , trabesque conveſtant , è quibus domum ſtruat artifex peritior ; atque omnibus , ut aiunt , ungulis allaborant. Inconditis præterea clamoribus atque inſanis jurgiis , quibus Lovaniènſe Lycæum penè quotidie , ut audio perſonat , Stejartium fatigant & tantum non obruant. Semper hîc illis

δριμύτα χολὰ ποτὶ ἐνὶ κ' ἀντρίαι.

Bilis acerba ſupremis naribus hæret.

Swanius pro ſuo in factionem ſtudio operam & induſtriam minimè patitur ſuam deſiderari. Quantum animis , quantum arte , quantum litteris valet & ſtylo , tantum conſecrat , plus utique allaturus , ſi reſponderet facultas voluntati. Sæpius deploravi viri minimè mali , & ingenuæ ut apparet indolis , educationiſque perquàm honeſtæ infortunium , quem nescio quæ ſors ac triſte fatum , in hoſce ſcopulos impulerit , undè pedem referre prohibet peſſimus officii magiſter pudor , & cæca adverſus nescio quem malum inſtitutorem obſervantia.

Voces quoque ſuas miſcet nescio quis Cantor & ſtridet quiddam inamabile.

Σφαῖξ βομβῶν τέττιγος ἐναντίον.

Stridula in argutam conſurgens veſpa cicadam

Aut ſi mavis , anſer olori æmulus , rauco gutture Stejartium à certamine deterriturus , aut Gallos excitaturus , ut acturum ſuppætiæ accur-

currant , & Pontificium collegium , quod fœderatis pro Capitolio est , adversus Stejartii impetus propugnent , memor olim anseres Romanum Capitolium servasse.

Non memoro cantilenas vernaculo sermone conceptas ; & puorum ac puellarum manibus insertas , Sacrarum etiam virginum Collegiis immisissas , quibus invisum fieret Stejartii nomen. Quid interrim ad tot convitia , tot morsus , tot aculeos Stejartius ? *Puilli hominiſſe reputat & miseri* (ut verbis Stoici cujusdam recentioris utar) *repetere mordentes , ut mures & formicæ , ad quas si manum admoſveris , ora convertunt. Imbecillia se ledi putant , si tanguntur. Ille magnus & nobilis est , qui more magne feræ latratus minorum canum securus exaudit. Ad eò his non movetur , ut non ita pridem novam Quatuorviris dicam scripserit , eorumque mira quædam & paradoxa dogmata Romæ obtulerit ad censuram. Tenet namque illud Menandrum*

Χρὴστός πονηροῖς ἔστιν ὠφελεῖται λόγοις.

Non leditur malis bonus sermonibus ; vel sic : Non vulneratur vir bonus convitiis.

Verè de illo dixero , quòd de antiquo illo maledicentiæ Aristophanæ contemptore celebratum accepimus

Οὐδ' ὅσον μύας συγγεῶν ἐμπέλειτο μύθων

Non tanti ac Muscæ voces faciebat acerbæ.

Geritur jam per Epistolas Bellum. Causam priùs dumtaxat affectam strenuè promovet. Jam fugam minantur Quatuorviri , & rimas unicè venantur , quibus elabi possint , aut salvo honore & nomine modestè cancre receptui. At elabi Stejartius non sinet , si virum novi. Nulla pax erit ante palinodiam.

Non mirabitur Stejartium de Lovaniensi Academiâ minimè malè meritum tam inclementer excipi , quisquis intellexerit , ne ipsos quidem sacrorum ac Religionum custodes , Christiani populi Patres , Ecclesiæ Principes , hoc est , Episcopos , alio loco esse , vel numero , si quid fanciant decretis novæ factionis adversum. Et illis hîscere capitale est. Nota Belgis , & optimo cuique deplorata loquor.

Nuper decretum edidit Illustrissimus Mechliniensis communi reliquorum Episcoporum consilio conceptum , quo promiscuam S. Scripturæ lectionem vernaculo sermone multitudini interdixit : aut veriùs , legem à majoribus sancitam , in Provincialibus Conciliis confirmatam , in Catechismo Diocesios expressim , ab auctoribus Indicis Tridentini

dictatam, approbatam à Romanis Pontificibus, nescio quorum hominum sinistris exemplis, & impulsu violari nuper captam, renovavit. Magnum nefas, quodque inultum religiosa gens ferre non possit !

Continuò libellis tribus, triplici linguâ, Latinâ, Gallicâ, Belgicâ, ne quis non intelligat, inverecundissimè incessitur, fœdissimè profcinditur, atrocissimè laceratur. *Publica pacis perturbatorem* appellare non admodum grave est. Mechliniensis Ecclesiæ *non sponsum*, sed *adulterum* inscribere, durum quidem, tamen tolerabile. Habent veterum exempla, quibus se tueantur. At nunquam sic salutarunt Gilbertum, qui relictis Convenis ad Tornacenses insulas evolarat. Nota est causa. *Redivivi Grandbellani* titulo cohonestare, nescio an sit tam contumeliosum ac existimant. Tumultus Belgicos, quos ipsi suscitant, & minantur atrociores, uni illi assignare, atque omni innoxium onerare invidiâ, seditionum omnium auctoribus familiare est. Nihil dignum suo spiritu fecerint, & Janseniano furore, ni integerrimo Antistiti *Sicariorum mores* objecerint, ut facit auctor libelli Gallici : ni crudelem, & Quæstoribus fidei Italæ, & Hispanis immitiorem, iniquiorem, intolerandum magis (en quid de SS. Tribunalibus sentiant, qui Tribunalium ejusmodi iustissimâ severitate digna gerunt) proclamant : ni Hæresi afflatum, ni *Diabolo auctore* in decreto condendo usum scriptis infamibus ebuccinent. Huc enitendum erat. Vulgaribus maledictis jam aures assueverant. Novis opus erat Jansenisticæ urbanitatis, ne dicam pietatis, floribus. Adhibendi sales, cujusmodi Calvinianos ipsos puderet. Calvinistis doctrinam suam omnem debeant : hi sunt eorum partus proprii. His glorientur.

Quid Episcopis Belgii cæteris fiet Primatis sui vestigia tam studiose legentibus ? Et illi decretum simile jam publicarunt. Ipse quoque Cameracensis ad stipulator accessit. Eritne bilis omnis exhausta ? Debaechandi satietas ceperit, sumptâ de eo, quem auctorem putant, ac cæterorum impulsorem tam atroci vindictâ ? Falleris : impacta jam sunt ipsis, priusquam peccarent, vulnera. Imminentem sibi tempestatem præsentiebant malè sibi conscii : jam occursum est malo. Vide hominum ingenium, agnosce impudentiam, ne verbo utar graviori. Nescis, inquirunt, in libello Belgico, Paulos Samosatenos, Eusebios, Nestorios, Photinos, Acatios Episcopos fuisse (addere potuissent Jansenium, sed religio vetuit,) & tamen sacerrimarum hæresum
vel

vel auctores, vel obstinatissimos Patronos & propagatores. Atque hæc suâ invidiosissimâ & maledicentissimâ comparatione, quanquam tacitâ, plus satis produnt, quo loco Belgii Episcopos omnes habeant, quo loco habendos censeant. Neque nobis obscure divinandum relinquunt, quid clanculûm initiatis suis de Episcopali auctoritate, si somniis suis ac erroribus inimicam patiantur, inspirent.

Colligere quoque possumus, quid de Romanis Pontificibus, quid de Cardinalium Collegio, quid de Italiæ totius, atque Hispaniæ Præsulibus statuunt, qui latam de non legendis promiscuè vernaculâ linguâ scripturis Sacris legem religiosè servari curarunt hætenùs, atque curant. Si sibi constare volunt, hæretico illos spiritu actostanto jam tempore, & etiamnum agi, profiteri non refugient, & palàm edicere, hæc Catholici orbis nobilissimas partes, & velut in annulo gemmas, ab omni Hæresios contagione sacræ inquisitionis beneficio, ut putabamus, immunes, ipsorum Quæstitorum prævaricatione, aut insecutiâ, turpissimâ scabie infectas esse, & porro infici.

Et ægrè feret quispiam infames hos, ac detestabiles libellos jussu Regii Senatûs Geldriæ Lictoris manu laceratos Vulcanoque traditos? Et erit, qui non excretur incredibilem audaciam, ac stoliditatem Galli cujusdam, qui libellorum horum causam adversus cognitores Regios edito scripto nihilò modestiori tuendam suscepit; qui temeritatis postulet, & præcipitis sententiæ; qui impacta Episcopis vulnera, flagitiis flagitia accumulando, renovet, altiùsque imprimat? Quod tandem erit sceleris genus patrocinio destitutum, quando hæc tam insolens in Ecclesiæ Proceres procacitas, nunquam satis puniendâ, suos quoque reperit defensores, qui tam atroces injurias non purgent, aut dicendo elevent, sed insolitis exornent laudibus?

Belga nescio quis, ut facilè apparet ex candore, Belga Gallici sermonis haud imperitus, levi manu, minimèque operosè scriptum Gallicum adornarat, antidoti loco, detergendas molliter calumnias, & labe, quibus apud plebem Illustrissimi Archiepiscopi nomen insuscare studuerat seditiosus Jansenista, eductis ex angulo & pulvere nonnullis Thesis, quas ante annos quadraginta & ampliùs, Theologiæ operam navans, sub alienis propugnauerat auspiciis, non tam suam, quam magistri secutus doctrinam, ut mos est discipulis. Operosius longè & nervosius idem præstiterat (quanquam hujusmodi vindiciis innocentia illustri in loco posita non indigebat) Didacus de Oropega,

ga, Theologus minimè ignavus, & ad retundenda omnia Jansenianæ virulentix tela non imparatus. Præstiterat autem latino, id est eruditorum sermone & ad Scholam, spinolasque quæstiones tractandas factus. Alter in re subitâ, ut levis armaturæ miles, velitabatur dumtaxat: hic pugnabat; ille plebi scripserat: hic Theologis: ille mulierculis: hic viris.

Omisso Didaco, quem validissimis armatum rationibus intelligebat, & nullâ ejus mentione factâ, ne videretur certamen declinasse cum cataphracto, semiermem illum aggressus est Gallus tenebrius, non difficilem victoriam ratus, quam non in causæ bonitate, sed in armorum discrimine & pugnandi peritiâ collocaret. Ut bonum illum Belgam immisericors pugnis concidit & calcibus, atque in illo Archiepiscopum? Quoties vocat Patronum miserabilem, & illâ causâ dignum? Quoties ingenii stuporem, quoties Dialectices imperitiam objectat, ipse scilicet sophismatum texendorum longè peritior, & in celando callidior? Hanc illi laudem nullus invidet. Quoties ridendum propinat, verbis ejus in alienum sensum subdolè detortis? Quoties insultat ut victo? Si *ῥεσπώζω*, si sarcasmos, & amaras figuras in-torquere, vincere est, victorem illum nullus inficiabitur: Singulæ illum paginæ victorem probabunt. At victorias illas & triumphos manibus ejus extorquere arduum non fuerit sine figuris tam atrocibus. Non alio opus erit quàm Oropegâ. Artem ille novit, neque hanc, ut spero, tam bonæ causæ operam denegabit.

Hæc dum meditor & scribo, amicorum mihi non nemo nuntiat negotium accessi Oropegæ, sed aliâ viâ, ratione aliâ. Publicum certamen displicet. Clam illum per insidias adoriuntur nocturni milites: perque ejus latus denuò petunt Archiepiscopum. Rationes ejus refellere importunum judicant: neque enim possunt. Per calumniam impudentissimam fingunt propositiones P. Ludovici de Schildere celebris, & scriptionibus Theologicis clari Jesuitæ, de quibus supra, è Thesis excerptas, quas non esse easdem, quæ Pontificiis Decretis proscriptæ sunt, (si unam fortè exceperimus illâ tempestate pluribus communem Doctoribus, etiam Lovaniensibus) prolixè ostenderat, allegatis justis discriminibus; ab ipso probari, doceri, propugnari quodque longè impudentius, probari, doceri, propugnari ab Archiepiscopo. O ferreas frontes! In manibus omnium est Oropegæ scriptum, & sic imponunt! Aperto libro convinci possunt, & tam secu-

securè mentiuntur ! Securitatem à latebris mutantur suis, tenebrarum filii, Non agunt igitur hoc scripto publico, sed clanculùm Illustrissimum Internuntium appellant. Offerunt illi libellum supplicem typis quidem impressum, at venalem nullibi. Subscribunt libello nomen *Christiani Catholici Romani*. Facile aliàs suspicari vir Illustrissimus potuisset ejusmodi famosas chartas è vicinà Bataviâ proficisci & à Calvinista quopiam plebeio fuisse adornatas. Neque enim primi nominis inter eos, & majorum gentium Theologi artes hodiè tam indignas probant. Aperto Marte rem gerunt, solem amant, certaminis testes adfiscunt, sic cadere gloriosius reputant, quàm malâ fraude vincere. Fuit is eorum majoribus usitatus mos; posteros pudet. Habeant illum cum cætera Calvinii suppellectile Heredes Jansenistæ. Necessarius est nova sibi regna molientibus, non iis, qui jam sedes pacatas occupant.

Cui majorem hîc fieri injuriam dixero, Archiepiscopone, de quo tam graviter calumniantur; an Illustrissimo Internuntio, cui calumnias tam crassas, tamque palpabiles per ignotum Tabellionem obtrudunt? Statuat æquus rerum æstimator. Meum non est hîc rem decidere. Sanè in Illustrissimum Internuntium perquàm injuriosi sunt, quem tam opportunum dolis, ac idoneum mendaciis existiment, quæ quis Tiresiâ cæcior, & Midâ stupidior deprehenderet. Si per ejusmodi inauditas sycophantas causam suam meliorem reddere sperant, stulti sunt: si famam atque nomen Archiepiscopi perdere apud virum prudentissimum, miscent stultitiæ improbitatem. Verum de his Oropega viderit: nos pergamus.

Vulgatum interea scriptum quoque Gallicum adversus Antistitem Gandensem populi universi nomine. Id populus curat scilicet. Aggestæ difficultates jam sæpius in variis libellis recantatæ: novi nihil. Immutata scribendi ratio, ordo rerum inversus, eadem nœniæ aliis involucris. Idem habet tota sibi factio familiare: Semper pugnat iisdem telis: Fastidium sperat se tollere, si cibi genus idem aliter, atque aliter incrustet, vel novo condimento primoribus labris peregrini aliquid saporis accersat; quod est coquorum penuariâ egestate laborantium.

Quid ille præ cæteris tam malè meruit, ut unus inter omnes post Archiepiscopum ad pœnas deposcatur à conjuratis? Certè omnium postremus decretum publicavit, quod adeò invidiosæ factioni fecit cæteros

Episcopos ; sed verbis concepit gravissimis ; & zelo ejus ac sanctâ severitate dignis : sed vulnus renovavit , quod jam duxerat cicatricem : sed spem elusit , quam longior mora factioni injecerat , fore ut unus inter omnes conniveret. Hinc illa tam libera indignatio : hinc expeditus in illum solum seorsum stylus , non minus vehemens ac pro-cax , quàm fuerat ille , quem prompserant in Mechliniensem. In utro-que scripto regnat idem fastus : similes passim inspersi sunt aculei , morsusque , & contumax quidam Ecclesiæ Principum despectus , nullis textus ambagibus. Eâdem obscenâ salivâ decretum tam hoc , quam illud conspuitur. Utrobique temeritate minimè ferendâ seditiosis vocibus multitudinem animant ut obedientiam hâc in parte Episcopis debitam excutiant , & exemplo suo conculcent. Unum discrimen est , quod in theses nullas inciderint , è quibus suo more truncatis & à reliquo contextu avulsis , laxæ damnatæve doctrinæ suspicione Gandensis nomen , quemadmodum Mechliniensis collutulent , Magistrique , si quæ forte subest , noxiam luere juberent discipulum , & causam red-dere tyrocinii Theologici.

Vilus est quibusdam viris minimè malis hic desperantis sectæ supremus conatus , & quædam quasi spuma , quam colubri attriti evomunt. Quid enim , sic irritarent à quibus toti pendent nisi præ desperatione furerent ? Sic illis barbam vellerent in quorum manibus omnes illorum fortunæ sitæ sunt ? Quis nisi furiosus novam in se suosque tempestatem concitet , quam solo silentio & dissimulatione possit declinare ? Ni placatos habeant Antistites , muniis omnibus Ecclesiasticis exclusi sunt sectæ alumni , exclusis alumni necesse est expiret secta , sensim-que deficiat. Protèrvi & contumaces dejici de gradu possunt , pœnis Ecclesiasticis mulctari , à ministerio Sacramentorum arceri. Justissimæ Episcoporum vindictæ ultrò sine causâ se suosque objectare , quid tandem est , si non est furere ?

Bonâ virorum illorum pace dixero. Sectæ hujus ingenium non norunt. Quidquid molitur consilium est , non furor. Formidabiles videri volunt : volunt terrere. Volunt hâc viâ tam inusitatâ im-pendentem cervicibus suis nubem pellere. Quis enim Episcoporum nova posthâc auid decreta condere , tam præclaris mox notis illustranda ? Tot implicandus *Difficultatibus* , & *Questionum* labyrintho includendus ? Tot infamibus libellis per Belgium & Galliam differendus , tra-ducendusque , non secùs atque avis peregrina dirique ominis , uno at-que

que altero asse, levi pro voluptate pretio, spectabilis, & inconditæ multitudinis judicio sibilisque exposita? Non sint gravia, quæ impingunt vulnera, sint culicum morsus, aliquid tamen creant molestiæ. Morsus deme, susurrus ipse ingratulus est, & raucas vox imitata tubas.

Καὶ τότε χώνωπες μεγάλας σάλπιγγας ἔχοντες

Δεινὸν ἐσάλπιζον πολέμῳ κτύπον.

At major erit Episcoporum constantia. Audentiores ibunt adversus contumax malum. Ità confidimus. At ipsi experti sunt quosdam ab officio hâc viâ fuisse deterritos. Nec enim primum ejusmodi utuntur armis. Eadem jam olim triverunt in Gallia, sciunt quo successu. Quotusquisque non habet in ore tritum istud, *noli irritare crabrones?* Quam pauci cum Gregorio Nazianzeno in Apol. exclamant, *Utinam ex eorum numero sim, qui pro veritate decertant, & in offensionem odiumque hominum incurrunt: Immo etiam in hoc numero esse gloriabor: Quàm pauci cum Hieronymo Apol. 3. advertit Ruhin. in hoc consentire tibi non poterò, ut hæreticis parcam. Et in proœm. Dial. adversus Pelag: Respondeo nunquam me hæreticis pepercisse, sed omni studio egisse, ut hostes Ecclesiæ, mei quoque hostes fierent?* Certè ipse importunos & inconsultos amicos quosdam meos, qui timidi ipsi metum quoque mihi incutere parabant, multisque deprecabantur, ne me cum Belluâ centicipite torque maledicis linguis committerem, aliter comperere non potui, quàm versus illos veteres ingeminando

Ὅς ἐκ φόβου τὴν γλῶσσαν ἐγκλείσας ἔχει,

Κακὸς εἶναι νῦν τε καὶ πάλαι δοκεῖ

Quicquidque linguam præ metu vinculam gerit

Et nunc & olim visus esse pessimus,

De alumnis suis parùm sunt solliciti. Norunt malorum ovorum esse pullos non degeneres:

κακὸν κόρακος κακὸν ὦνον,

Simulare omnes in eodem ludo docti sunt, nec priùs se prodere quàm munus obtineant à quo sine longâ ac molestâ lite deijci non possint. Hanc artem nullus est, qui non calleat, & ubi res postulat, non exerceat. Sic quotidie Episcopos ludunt; sic prestant, quotquot vident, apud eos vel gratiâ valere, vel auctoritate, larvam mox voti compotes excussuri. Quot non hac arte captos operæ suæ collatæ pœnitentes vidi, & pudore confusos, quod lupum agni pelle vestitum Præsidibus

fidibus commendassent, qui ne gratiarum quidem actione se dignaretur.

Interim magnum capit secta incrementum, pestiferâ contagione per gregem omnem diffusâ, & plaudentibus conjuratis orthodoxus aliquis repullam suam plorat, ab ipsis neglectus orthodoxis.

Sed neque factio desperat; Ne finge. Gravioribus eluctata tempestatibus est, quàm ut tantopere ad unam nubeculam commoveatur. Qui fulmina inter sæpè risit, & omnes ventorum iras expertus est, ad modicum turbinem non exanimatur. Qui tactus de cælo & solo allisus, erigere se ausus est, & si non præstare, saltem se jactare incolumen, an is spem omnem poneret acceptâ mediocri plagâ, quæ vix cuticulam supremam stringat? Quam duo Romani Pontifices pœnis, atque censuris Ecclesiasticis, quam Rex Christianissimus Regiâ suâ potestate, & octoginta & amplius Galliæ Episcopi conspirantes in desperationem agere non potuerunt, aut à temere inceptis revocare, hanc quinque vel sex Episcoporum decreto existimas exanimandam? *Ὅσσοι ἐστὶ τὸ τῦμμα*, quantulum est vulnus ut Gigantem solem percellat,

Terrigenas Fratres, cælo capita alta ferentes?

At undè, inquires, hi gemitus, hi clamores, tantumque ac tale murmur, si non tam altè vulnus adactum est? Delicatissimam corporis partem, ubi tenerrimus est sensus, ipsam oculi pupillam, aut si quid illâ carius est, hoc est nominis existimationem læsit, quam tueri aut vindicare non possunt, nisi per tot clamores, vocesque confusas, quibus hæresios maculam ipsis Episcopis affricent. Quid enim multitudo sentiet, si dissimulent, si taceant, si parcant vociferationibus, postquam sibi libros viderit Antistitum imperio eripi, quos tam operose legendos tradiderant fœderati? Quid dicent tot, tamque nobiles Amazones, quas communicando arcanos libros sectæ obsequiis devinxerunt, postquàm Heroum suorum consilia, & rationes ab Episcopis tanto consensu improbari intellexerint, nisi clarè perspiciant falli Episcopos, & spiritu duci hæretico, quotquot sectæ conatibus adversantur? Nisi id altè, præsidenter, obstinatè libris plurimis inculcetur, non ausæ fuerint ferre sententiam. Nominis Episcopalis Reverentia quamlibet temerarias retardabit.

Nullis hic fucis aut distinctionibus locus, quibus se clament intactos, vulnusque velent, ut erat, cum plaga fatalis semel, ac iterum quintuplici vulnere accepta est. Nullus inficiari potest omnibus
à se

à se obtrufos esse divinos libros. Palam igitur sexcentis sophismatis probandum, id fuisse rectè atque ordine factum; à vero aberrare, qui secus existimant, quacumque sint in dignitate constituti, aut quantalibet cognitione ac scientiâ præditi. Hæc una supererat maculæ eluendæ via. Hæc itum.

Magnis igitur vocibus conclamari cæptum, promiscuam S. Scripturæ lectionem omnibus nullo discrimine ab ipsâ Scripturâ, ejusque auctore ac dictatore Spiritu Sancto præscribi, id luculentissimis ex eâ haustis testimoniis omnibus palam esse: accedere traditionem ipsam, atque concordem SS. Patrum sententiam ad Sacrorum voluminum lectionem non duntaxat tamquam ad rem unicuique fidelium perutilem, adhortantium, verum etiam tamquam ad unicè necessariam cuiusvis generis homines obligantium. Id passim ingeminare Basilios, Chrysostomos, Hieronimos, Augustinos, Orientis & Occidentis lumina. Neminem olim ausum contrâ hîscere. His ultimis temporibus, quando omnis Ecclesiastica disciplina fædissimè cepit collabascere subductos novo tristiquæ exemplo, & Christianæ multitudinis manibus excussos Sacros libros; testamentum Patrum; animorum pabulum; Dei ad homines universos epistolam Spiritus Sancti digitis exaratam legi vetitam, tamquam noxiam ac veneni plenam, quamquam non epistolæ, sed legentium vitio. Hunc prætextum inauditæ hætenus inter Christianos legis, & quesitum colorem: latam fuisse legem, at nequitiam observatam in iis locis, ubi aliquid priscae libertatis superfuerat, in Germaniâ, Galliis, Britanniâ, Belgio denique, ubi recens erat edicti Carolini memoria itâ jubentis, *Populus autem legat libros Sacros*. Maluerunt scilicet pii Belgæ Imperatoris Principisque sui sanctionibus parere, quàm Romanorum Pontificum, atque Antistitum, vel indicis Tridentini regulis.

Hæc omnia, quando tam animosè jactantur, tam libero plenoque ore; quis suspicetur subesse fraudem? Quis Episcopos perverfis ulos consiliis non existimet, quando adversus ipsum Spiritum Sanctum insurgunt, & traditionis venerandam antiquitatem pedibus subjiciunt? Quis contrâ non probet hos in fœderatis animos, pro Christiani populi libertate, tam gnaviter certantibus? Et tamen animosè jactare longo jam usu didicimus non esse idem, quod jactare verè: Et ingentes clamores non esse semper in Patronis bonæ causæ indicium. Qui rationibus, argumentisque suis fidit, pacatus est, & placidè con-

greditur , qui vacillat & cespitat , dubiis rationibus pondus aliquod vociferando conciliari spem vultu simulans , premens corde formidinem. Ego certè clamoribus hisce jam olim assuevi. Quemadmodum enim Lutherani & Calvinistæ sola semper Biblia avorum memoriâ inclamabant , nec alio se niti controversiarum arbitro , quam cælesti oraculo : Biblia in omnibus stare pro se , universum Dei verbum esse suum , hominum judiciis nihil se tribuere , quoties Spiritus Dei loquitur ; Ita Jansenistæ utriusque Hæresiarachæ posterî , Calvinî potissimum , Scripturam sibi strenuè vindicant , & suam esse incredibili confidentiâ clamant , omnia sua placita è divinis litteris hauriri , se solos genuinos esse Evangeliorum interpretes , solos Pauli Apostoli mentem assecutos , qui diversum aliquid à se sentiant , caligare ut noctuas ad meridianum solem , cæterum , in quo Calvinus fœdè aberravit , illam insano consilio repudians , *traditionem universam* ad se quoque spectare , solos se fideles esse illius depositarios : ità ut hæc videatur eorum germana tessera , *Scriptura , & Traditio*.

Quidquid Jansenius pronuntiavit unquam , venditabat ut oraculum , ut rem in scripturis clarè expositam , ut Patrum ætatibus , Augustini præsertim sæculo , indubitatam , ut clarissimam lucem , cui nescio quas tenebras offudissent recentiores Scholastici , inanum subtilitatum aucupes , Aristotelici veriùs , quam Christiani. Quidquid somniavit umquam Arnaldus (qui quod Luthero Melancthon , quod Beza Calvinò , præstitit hæcenus Jansenio) quidquid somniare perget , veritas est ipsissima , luculentissimis scripturæ testimoniis expressa , solis descripta radiis , conspirantibus patrum suffragiis confirmata , & posteris quasi per manus tradita. Quisquis contradixerit , soli obloquitur , in SS. Litteris hospes est , & peregrinus ; neminem unquam SS. Patrum , pictum , quod dicitur , vidit : non modò ad sapientiam cæcus , sed ad ea ipsa , quæ indoctorum oculis patent , hebes , & obrusus est : homo sine ingenio , truncus , atque stipes : τέτρε, ut cum Athenæo loquar , *ἰατρεῦσαι τὴν ἀγνοίαν ἐδ' Ἀσκληπιάδαυς τῶ' ὄγε νομίζω δεδόσται* , illius ignorantix mæderi ne Asclepiadi quidem concessum puto. His atque aliis mox titulis , quos Gallica ejus eloquentia , quovis flumine torrentior uberrimis fluctibus fundit , cohonestabitur.

Hunc communem Magistrorum spiritum strenuè æmulantur discipuli : Hæsitante quidpiam pronuntiare illis Religio est : omnia pronuntiant *intrepidè*. Non loquuntur nisi primas , certasque veritates.

Quid-

Quidquid sapi. ut antiquitas est, traditio est. Si qui secus sentiant & mutire audent, pro picis, graculis, ranis habent: fungi sunt, & caudices, neque plus sapiunt, quàm occisa sus, ut Plautino more rem efferam. Illud Plutarchi enim frequenter secum agitant, ἀρχὴ τῆ νίκης, τὸ θάγγειν, Principium victoriæ est audacia.

Non commovet me igitur falsò ostentata toties, & erroris convicta fiducia, immo illa ipsa hortatur, ut falsò, vel infideliter jactari existimem, quidquid in præsentì controversiâ tam prolixè, tamque magnificè ac gloriose & insultabundi proclamant.

Erit, ut spero, brevi aliquis præter Oropegam, qui & stylo & eruditione par, insanas superbasque voces pro virili compescat. Erit, qui Episcopos veluti sub jugum missos, & in triumphum ductos, solidâ scripture ulciscatur. Quis enim, in quo aliquid residuum est generosi sanguinis, & spiritus prisci, diutius ferat lucifugas istos Philisthæos agminibus Israël, & populi sui Principibus, adversus divinum edictum, protervissimè insultantes? Scriptum est enim, quod in Episcopis pariter locum habet: *Principi populi tui non maledices.*

Parui voluntati tuæ Princeps Celsissime: habes Ecclesiæ Belgicæ faciem fidelibus, sincerisque coloribus expressam. Habes rerum nostrarum miserabilem statum. Haud vereor ne verbis usus videar nimis tragicis in re tam Tragica. Quid spei reliquum sit vides. Antistitum auctoritas pedibus obteritur: Romanus Pontifex redigitur in ordinem: non plus potest, polletque apud hosce terræ filios, quam Plebanus S. Rumoldi Mechliniæ in cæteros Mechliniensis Diocesis Sacrorum Præbiteros, sive Parochos possit, polleatve. Ejus censuræ execrationesque & diræ majoribus nostris adeò terribiles, non plus timoris incutiant novis hisce gigantibus, quam lignei Jovis fulmen fictile. Alpium jugis, si quod telum vibrat, comminuitur; Nihil alpes transcendit, nisi inane quoddam murmur, quod imbelles animas moveat. Ejusmodi sunt conjuratis in ore voces, ita sentiunt: ita sentire Belgarum reliquos jubent.

In Regiâ igitur dexterâ fiduciam omnem collocamus. Scimus religiosissimum Principem justissimo ejusmodi pestium odio flagrare: scimus Regios Præfectos ac Ministros non minùs à sectâ alienos. Multum poterit, & Gallix Regis exemplum (nam quid vetat in hoste virtutem mirari atque imitari) qui lordes hæc pestiferas regno suo expulerit, & sicubi novis se malum prodat indiciiis, ferreis legibus

com-

compescat , aut mulctet exiliis. Hæc unica est ad ^{condemnationem} morbum , si non ad funditus extirpandum , via.

Galliæ retrimenta , more Gallorum , è latibulis suis , furtivisque hospitiiis cruenda sunt , & in alios pœnarum metu fines abigenda : corporis ulcera ense refecanda sunt ne partes sinceræ trahantur , & à fœdâ contagio vitium fugant insanabile.

Fortunata tua Germania , quam nondum pestis hæc afflavit ! Fortunata , inquam , si numquam afflet ! Ab hæc , quam à Lutheranâ non minùs funestum aliquid metuendum est. Rumor hic serpit , nescio an verus , jam fines radere , & usitatis sibi artibus aditum moliri. Vestrum erit , Princeps prudentissime , quâcumque potestis vi , tempestivè obstruere , & novis , sicubi opus est , exemplis intercludere.

Deus celsitudinem tuam ad Germaniæ tutelam & ornamentum diu præstet incolumem. Bruxellis è Musæo meo decimo Kal. Januar. M. DC. LXXXI.

CELSISSIME PRINCEPS

CELSITUDINIS TUE

Devotissimus cliens & promptissimus famulus

JOANNES BRUSSELIUS

Belga Theologus.







